

植物名實圖考長編

十

白鮮

本草經味苦寒主頭風黃疸欬逆淋瀝女子陰中腫痛濕痺死肌不可屈伸起止行步

別錄鹹無毒療四肢不安時行腹中大熱飲水欲走大呼小兒驚癇婦人產後餘痛生上谷川谷及冤句四月五月採根陰乾
陶隱居云近道處處有以蜀中者爲良俗呼爲白羊鮮音氣息
正似羊羶或名白羶

圖經白鮮生上谷川谷及冤句今河中江寧府滁州潤州亦有之苗高尺餘莖青葉稍白如槐亦似茱萸四月開花淡紫色似

小蜀葵根似蔓青皮黃白而心實四月五月採根陰乾用又云
宜二月採差晚則虛惡也其氣息都似羊羶故俗呼爲白羊鮮
又名地羊羶又名金雀兒椒其苗山人以爲菜茹葛洪治鼠瘻
已有口濃血出者白鮮皮煮汁服一升當吐鼠子乃愈兵部手
集方療肺嗽有白鮮皮湯方甚妙

知母

本草經味苦寒主消渴熱中除邪氣肢體浮腫下水補不足益氣一名蜆母一名蓮母一名野蓼一名地參一名水參一名水浚一名貨母一名蜚母

爾雅蓐莠藩註生山上葉如韭一曰蜚母

別錄無毒療傷寒久瘧煩熱脅下邪氣隔中惡心及風汗內疝多服令人洩一名女雷一名女里一名兒草一名鹿列一名韭逢一名兒踵草一名東根一名水須一名沈燔一名蓐生河內川谷二月八月採根暴乾陶隱居云今出彭城形似菖蒲而柔

潤葉至難死掘出隨生須枯燥乃止甚療熱結亦主瘡熱煩也
范子云提母出三輔黃白者善

圖經知母生河內川谷今瀕河諸郡及解州滁州亦有之根黃
色似菖蒲而柔潤葉至難死掘出隨生須燥乃止四月開青花
如韭花八月結實二月八月採根暴乾用爾雅謂之蘼又謂之
莢藩是也肘後方用此一物治溪毒大勝其法連根葉搗作散
服之亦可投水搗絞汁飲一二升夏月出行多取此屑自隨欲
入水先取少許投水上流便無畏兼辟射工亦可和水作湯浴
之甚佳

說文解字注薺苳蕃也今本篆文無彡誤苳當是本作苳俗加艸本艸作沈直林切蕃說爾雅者謂卽今之知母从艸薺聲薺各本作薺誤徒南切古音在七部薺薺或从彡

又苳苳母也三字一句按前已有薺不與苳字爲伍則說爾雅者謂薺卽苳母非許意也从艸氏聲常支切十六部一名蜺母一名知母一名蜺母皆同部同音

材料名實圖考

三

貝母

本草經味辛平主傷寒煩熱淋瀝邪氣疝瘕喉痺乳癰金瘡風
瘕一名空草

爾雅蔕貝母註根如小貝圓而白華葉似韭

詩經言采其蠃陸璣疏蠃今藥草貝母也其葉如栝樓而細小
其子在根下如芋子正白四方相連累相著有分解也

別錄苦微寒無毒療腹中結實心下滿洗洗惡風寒目眩項直
欬嗽上氣止煩熱渴出汗安五臟利骨髓一名藥實一名苦花
一名苦菜一名蔕草一名勤母生晉地十月採根暴乾陶隱居

云今出近道形似聚貝子故名貝母斷穀服之不飢

唐本草註云此葉似大蒜四月蒜熟時採良若十月苗枯根亦不佳也出潤州荊州襄州者最佳江南諸州亦有味甘苦不辛圖經貝母生晉地今河中江陵府郢壽隨鄭蔡潤滁州皆有之根有瓣子黃白色如聚貝子故名貝母二月生苗莖細青色葉亦青似蕎麥葉隨苗出七月開花碧綠色形如鼓子花八月採根曬乾此有數種鄘詩言采其蔕陸璣疏云貝母也其葉如栝樓而細小其子在根下如芋子正白四方連累相著有分解今近道出者正類此郭璞註爾雅云白花葉似韭此種罕復見之

此藥亦治惡瘡唐人記其事云江左嘗有商人左膊上有瘡如人面亦無他苦商人戲滴酒口中其面亦赤色以物食之亦能食食多則覺膊內肉脹起或不食之則一臂痺有善醫者教其歷試諸藥金石草木之類悉試之無苦至貝母其瘡乃聚眉閉口商人喜曰此藥可治也因以小葦筒毀其口灌之數日成痂遂愈然不知何疾也謹按本經主金瘡此豈金瘡之類歟

雷斅炮炙論凡使先於柳木灰中炮令黃擘破去內口鼻上有米許大者心一小顆後拌糯米於鏊上同炒待米黃熟然後去米取出其中有獨顆團不作兩片無皺者號曰丹龍精不入藥

用若誤服令人筋脈永不收用黃精小藍汁合服立愈

說文解字注茵貝母也詩言采其蟲毛傳曰蟲貝母釋艸說文作茵茵正字蟲假借字也根下子如聚小貝韻會引作貝母艸療蛇毒六字从艸甶省聲武庚切古音在十部不日同聲而曰省聲者取皆讀如茫也

元參

本經元參味苦微寒主腹中寒熱積聚女子產乳餘疾補腎氣
令人明目一名重臺

別錄鹹無毒主暴中風傷寒身熱支滿狂邪忽忽不知人溫瘧
洒洒血痕下寒血除胸中氣下水止煩渴散頸下核癰腫心腹
痛堅癥定五臟久服補虛令人明目強陰益精一名元臺一名
鹿腸一名正馬一名咸一名端生河間川谷及兔句三月四月
採根暴乾陶隱居云今出近道處處有莖似人參而長大根甚
黑亦微香道家時用亦以合香

唐本草注元參根苗並臭莖亦不似人參陶云道家亦有合香未見其理也

開寶本草詳此草莖方大高四五尺紫赤色而有細毛葉如掌大而尖長根生青白乾卽紫黑新者潤膩合香用之俗呼爲馥草酒漬飲之療諸毒鼠癘陶云似人參莖唐本注言根苗並臭蓋未深識爾

圖經元參生河間及宛句今處處有之二月生苗葉似脂麻又如槐柳細莖青紫色七月開花青碧色八月結子黑色亦有白花莖方大紫赤色而有細毛有節若竹者高五六尺葉如掌大

而尖長如鋸齒其根尖長生青白乾卽紫黑新者潤膩一根可生五七葉三月八月九月採暴乾或云蒸過日乾陶隱居云道家時用合香今人有傳其法以元參甘松香各杵末均秤分兩盛以大酒瓶中投白蜜漬令瓶七八分緊封繫頭安釜中煮不住火一伏時止火候冷破瓶取出再擣熟如乾更用熟蜜和甕器盛罨埋地中旋取使入樟腦搜亦可以熏衣

經驗方治患勞人燒香法用元參一斤甘松六兩爲末煉蜜一斤和勻入甕瓶內封閉地中埋罨十日取出更用炭末六兩更煉蜜六兩和令勻入瓶內封更罨五日取出燒令其鼻中常聞

其香疾自愈

珍珠囊元參乃樞機之劑管領諸氣上下清肅而不濁風藥中多用之故活人書治傷寒陽毒汗下後毒不散及心下懊憹煩不得眠心神顛倒欲絕者俱用元參以此論之治胸中氤氲之氣無根之火當以元參爲聖劑也

紫草

本草經味苦寒主心腹邪氣五疳補中益氣利九竅通水道一名紫丹一名紫芙

爾雅藐苾草注可以染絳一名苾苳廣雅云

別錄無毒療腹腫脹滿痛以合膏療小兒瘡及面皴生碭山山谷及楚地三月採根陰乾陶隱居云今出襄陽多從南陽新野來彼人種之卽是今染紫者方藥家都不復用博物志云平氏陽山紫草特好魏國以染色殊黑比年東山亦種色小淺於此者

圖經紫草生碭山山谷及楚地今處處有之人家園圃中或種
時其根所以染紫也爾雅謂之藐廣雅謂之苾蓐苗似蘭香莖
赤節青二月有花紫白色秋實白三月採根陰乾古方稀見使
今醫家多用治傷寒時疾瘡瘍不出者以此作藥使其發出韋
宙獨行方治豌豆瘡煮紫草湯飲後人相承用之其效尤速

湖南通志紫草圖經云生楚地猺人以社前者爲佳名雅銜草
務本新書曰種訖拖瓶擺之或以輕鋤碾過秋深子熟旁去其
土運根取出就地鋪穢頗乾輕振其土以茅策束切去虛梢以
之染紫其色殊美